

cem ignis ardētis. Sunt ergo viri Judæi, quos constituisti super ópera regiõnis Babylõnis, Sidrach, Misach, & Abdénago: viri isti contempserunt, rex, decretum tuum: deos tuos non colunt, & státuam áuream, quam erexisti, non adorant. Tunc Nabuchodónosor in furóre & in ira præcepit, ut adducerentur Sidrach, Misach, & Abdénago: qui confestim adducti sunt in conspectu regis. Pronúntiansque Nabuchodónosor rex, ait eis: Verénè Sidrach, Misach, & Abdénago, deos meos non colitis, & státuam áuream, quam constitui, non adoratis? Nunc ergo si estis parati, quacúmque hora audieritis sónitum tubæ, fistulæ, cítharæ, sambucæ, & psalterii, & symphoníæ, ómnisque generis musicõrum, prostérnite vos, & adoráte státuam quam feci: quòd si non adoraveritis, eadem hora mittémini in fornacem ignis ardētis: & quis est Deus, qui erípiet vos de manu mea? Respondentes Sidrach, Misach, & Abdénago, dixerunt regi Nabuchodónosor: Non opórtet nos de hac re respondere tibi. Ecce enim Deus noster, quem colimus, potest eripere nos de camíno ignis ardētis, & de mánibus tuis, ó rex, liberare. Quòd si nolúerit, notum sit tibi, rex, quia deos tuos non colimus, & státuam áuream quam erexisti, non adoramus. Tunc Nabuchodónosor replétus est furóre: & aspéctus facièi illius immutátus est super Sidrach, Misach, & Abdénago, & præcepit ut succenderetur fornax

sep-

DOMINICA

RESURRECTIONIS

DOMINI.

Lectio Epístolæ B. Pauli **FERIA SECUNDA.**

Apóstoli ad Corinthios.

Lectio Actuum Apostolorum.

1. Cor.
5. c.

FRatres, Expurgáte vetus fermentum, ut sitis nova conspersio, sicut estis ázymi. Etenim Pascha nostrum immolátus est Christus. Itaque epulémur, non in fermento véteri, neque in fermento malitiæ, & nequitiæ, sed in ázymis sinceritátis, & veritátis.

IN diébus illis: Stans Petrus in médio plebis, dixit: Viri fratres, vos scitis quòd factum est verbum per universam Judæam; incipiens enim à Galilæa, post baptismum quòd prædicavit Joannes, Jesum à Nazareth: quomodo unxit eum Deus Spíritu Sancto & virtute, qui pertransiit benefaciendo & sanando omnes opprèssos à diabolo, quoniam Deus erat cum illo. Et

Act.
10. f.

nos

nos testes sumus omnium quæ fecit in regione Judæorum, & Jerusalem, quem occiderunt suspendentes in ligno. Hunc Deus suscitavit tertia die, & dedit eum manifestum fieri non omni populo, sed testibus præordinatis à Deo, nobis, qui manducavimus, & bibimus cum illo, postquam resurrexit à mortuis. Et præcepit nobis prædicare populo, & testificari quia ipse est qui constitutus est à Deo iudex vivorum & mortuorum. Huic omnes Prophetæ testimonium perhibent, remissionem peccatorum accipere per nomen ejus omnes, qui credunt in eum.

FERIA TERTIA.

Lectio Actuum Apostolorum.

IN dièbus illis: Surgens Paulus & manu silentium indicens, ait: Viri fratres, filii generis Abraham, & qui in vobis timent Deum, vobis verbum salutis hujus missum est. Qui enim habitabant Jerusalem, & principes ejus ignorantes Jesum, & voces Prophetarum quæ per omne sabbatum leguntur, judicantes impleverunt: & nullam causam mortis invenièntes in eo, petierunt à Pilato ut interficerent eum. Cùmque consummassent omnia, quæ de eo scripta erant, deponentes eum de ligno, posuerunt eum in monumento. Deus verò suscitavit eum à mortuis tertia

Act.
13.

tia

tia die: qui visus est per dies multos his, qui simul ascenderant cum eo de Galilæa in Jerusalem: qui usque nunc sunt testes ejus ad plebem. Et nos vobis annuntiamus eam, quæ ad patres nostros repromissio facta est: quoniam hanc Deus adimplèvit filiis nostris, resuscitans Jesum Christum Dominum nostrum.

FERIA QUARTA.

Lectio Actuum Apostolorum.

IN dièbus illis: Apèriens Petrus os suum, dixit: Viri Israëlita, & qui timetis Deum, audite. Deus Abraham, & Deus Isaac, & Deus Jacob, Deus patrum nostrorum glorificavit Filium suum Jesum, quem vos quidem tradidistis, & negastis ante faciem

Act.
3. b

Pilati, judicante illo dimitti. Vos autem sanctum & justum negastis, & petistis virum homicidam donari vobis: auctorem verò vitæ interfecistis, quem Deus suscitavit à mortuis, cujus nos testes sumus. Et nunc, fratres, scio quia per ignorantiam fecistis, sicut & principes vestri. Deus autem, quæ prænuntiavit per os omnium Prophetarum, pati Christum suum, sic implèvit. Pœnitèmini igitur & convertimini, ut deleantur peccata vestra.

FERIA QUINTA.

Lectio Actuum Apostolorum.

IN dièbus illis: Angelus Domini locutus est ad Philippum, dicens: Surge, & vade contra meridianum ad viam

Act.
8. c

O

quæ

quæ descendit ab Jerúsalem in Gazam: hæc est deserta. Et surgens abiit. Et ecce, vir Æthiops, Eunuchus, potens Candacis reginæ Æthiopum, qui erat super omnes gazas ejus, venerat adorare in Jerúsalem: & revertebatur sedens super currum suum, legensque Isaïam Prophétam. Dixit autem Spiritus Philippo: Accede, & adjunge te ad currum istum. Accurrens autem Philippus, audivit eum legentem Isaïam Prophétam, & dixit: Putasne intelligis quæ legis? Qui ait: Et quomodo possum, si non aliquis ostenderit mihi? Rogavitque Philippum ut ascenderet, & sederet secum. Locus autem Scripturæ, quam legebat, erat hic: Tamquam ovis ad occisionem ductus est: & sicut agnus coram ton-

dente se, sine voce, sic non aperuit os suum. In humilitate judicium ejus sublatum est. Generacionem ejus quis enarrabit, quoniam tolletur de terra vita ejus? Respondens autem Eunuchus Philippo, dixit: Obsecro te, de quo Propheta dicit hoc? de se, an de alio aliquo? Apertis autem Philippus os suum, & incipiens à Scriptura ista, evangelizavit illi Jesum. Et dum irent per viam, venerunt ad quamdam aquam: & ait Eunuchus: Ecce aqua, quid prohibet me baptizari? Dixit autem Philippus: Si credis ex toto corde, licet. Et respondens ait: Credo Filium Dei esse Jesum Christum. Et jussit stare currum: & descendérunt uterque in aquam, Philippus & Eunuchus, & baptizavit eum. Cum autem

ascendissent de aqua, Spiritus Domini rapuit Philippum, & amplius non vidit eum Eunuchus. Ibat autem per viam suam gaudens. Philippus autem inventus est in Azoto. Et pertransiens evangelizabat civitatibus cunctis (donec veniret Cæsaream) nomen Domini Jesu-Christi.

FERIA SEXTA.

Lectio Epistolæ B. Petri Apostoli.

1. Pe.
tr. 3. d

Charissimi: Christus semel pro peccatis nostris mortuus est, justus pro injustis, ut nos offerret Deo, mortificatus quidem carne, vivificatus autem spiritu. In quo & his, qui in carcere erant, spiritibus veniens predicavit: qui increduli fue-

runt aliquando, quando spectabant Dei patientiam in diebus Noë, cum fabricaretur arca, in qua pauci, id est octo animæ salvæ factæ sunt per aquam. Quod & vos nunc similis formæ salvos facit baptisma: non carnis depositio sordium, sed conscientie bonæ interrogatio in Deum per resurrectionem Jesu-Christi Domini nostri, qui est in dextera Dei.

SABBATO in Albis.

Lectio Epistolæ B. Petri Apostoli.

Charissimi: Depone omnes malitiam, & omnem dolum, & simulationes, & invidias, & omnes detractiones; sicut modo geniti infantes, rationabi-

1. Pe.
tr. 2.

les, sine dolo lac concupiscite, ut in eo crescatis in salutem: si tamen gustastis quoniam dulcis est Dominus. Ad quem accedentes lapidem vivum, ab hominibus quidem reprobatum, a Deo autem electum & honorificatum: & ipsi tamquam lapides vivi superaedificamini, domus spiritualis, sacerdotium sanctum, offerre spirituales hostias, acceptabiles Deo per Jesum Christum. Propter quod continet Scriptura: Ecce pono in Sion lapidem summum angularem, electum, pretiosum: & qui crediderit in eum, non confundetur. Vobis igitur honor credentibus: non credentibus autem, lapis, quem reprobaverunt aedificantes, hic factus est in caput anguli, & lapis offensionis, & petra scandali, his qui offendunt verbo, nec credunt in quo & positi sunt. Vos autem genus electum, regale sacerdotium, gens sancta, populus acquisitionis; ut virtutes annuntietis ejus, qui de tenebris vos vocavit in admirabile lumen suum. Qui aliquando non populus, nunc autem populus Dei: qui non consecuti misericordiam, nunc autem misericordiam consecuti.

DOMINICA in Albis.

Octava Paschae.

Lectio Epistolae B. Joannis Apostoli.

Charissimi: Omne quod natum est ex Deo, vincit mundum: & haec est victoria quae vincit mundum, fides nostra. Quis

est

est qui vincit mundum, nisi qui credit quoniam Jesus est Filius Dei? hic est, qui venit per aquam & sanguinem, Jesus Christus: non in aqua solum, sed in aqua & sanguine. Et spiritus est qui testificatur, quoniam Christus est veritas. Quoniam tres sunt qui testimonium dant in caelo: Pater, Verbum, & Spiritus Sanctus: & hi tres unum sunt. Et tres sunt qui testimonium dant in terra: Spiritus, & aqua, & sanguis: & hi tres unum sunt. Si testimonium hominum accipimus, testimonium Dei majus est: quoniam hoc est testimonium Dei quod majus est, quoniam testificatus est de Filio suo. Qui credit in Filium Dei, habet testimonium Dei in se.

DOMINICA II post Pascha.

Lectio Epistolae B. Petri Apostoli.

Charissimi: Christus passus est pro nobis, vobis relinquens exemplum ut sequamini vestigia ejus. Qui peccatum non fecit, nec inventus est dolus in ore ejus: qui cum malediceretur, non maledicebat: cum pateretur, non comminabatur: tradebat autem iudicanti se injuste: qui peccata nostra ipse pertulit in corpore suo super lignum: ut peccatis mortui, justitiae vivamus: cujus livore sanati estis. Eratis enim sicut oves errantes, sed conversi estis nunc ad pastorem & episcopum animarum vestrarum.

1. Pe.
11. 2.

DO-